

**ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՑԱՎԱԿՑԱԿԱՆ ԳԻՐԸ
ՉԵԽԱՅԻ ԵՎ ՍԼՈՎԱԿԻԱՅԻ ՈՒՂՂԱՓԱՌ ԵԿԵՂԵՑՈՒ
ՍՈՒՐԲ ՍԻՆՈՂԻՆ՝ ՉԵԽԱՅԻ ԵՎ ՍԼՈՎԱԿԻԱՅԻ ՈՒՂՂԱ-
ՓԱՌ ԵԿԵՂԵՑՈՒ ԱՌԱՋՆՈՐԴ ՄԻՏՏՐՈՊՈԼԻՏ ՆԻԿՈԼԱՅԻ
ՎԱԽՃԱՆՄԱՆ ԱՌԻԹՈՎ**

Հունվարի 31-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը ցավակցական գիր է հղել Չեխիայի և Սլովակիայի Ուղղափառ Եկեղեցու Սուրբ Սինոդին՝ Չեխիայի և Սլովակիայի Ուղղափառ Եկեղեցու առաջնորդ Միտրոպոլիտ Նիկոլայի վախճանման առիթով:

«Հանուն աշխարհասփյուռ Հայ Եկեղեցու և ժողովրդի, Մեր սրտակցության և մխիթարության զգացումներն ենք փոխանցում մեր քույր Եկեղեցուն և նրա ողջ հոգևոր և աշխարհական դասին:

Սուրբ Էջմիածնի Մայր Տաճարի Իջման Ս. Սեդանի առջև Մեր աղոթքն ենք վերառաքում առ Աստված՝ հանգստություն հայցելով իր հոգուն: Թող Բարձրյալն Աստված մխիթարություն պարգևի իր հավատավոր ու բարեպաշտ հոտին», - ասվում է Վեհափառ Հայրապետի ցավակցական ուղերձում:

*ՄԱՅՐ ԱԹՈՒ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ*